

Informacije o programu Fond omladinskog angažmana

Fond omladinskog angažmana nudi priliku svim mladima iz Bosne i Hercegovine, posebno onima bez iskustva u omladinskom angažmanu, da se prijave za financijsku i mentorsku podršku kako bi organizirali aktivnosti u svojim lokalnim zajednicama. Za financijska sredstva u iznosu do 4000 maraka mogu se prijaviti omladinske/nevladine organizacije, neformalne omladinske grupe i pojedinci. Ideje i aktivnosti s kojima se prijavljujete na Fond moraju biti usmjerene na mlade od 14 do 28 godina, te doprinositi razvoju lokalne zajednice, škole ili mladih u toj zajednici.

Prijave na Fond omladinskog angažmana možete slati tokom cijele godine. Projektne ideje se biraju na kvartalnoj bazi, (**mart, juni, septembar, decembar**), a Fondacija SHL će vas informirati o statusu vaše prijave.

Ocjenjivanje pristiglih ideja obavlja SHL komisija sastavljena od 12 mladih osoba (studenata i srednjoškolaca iz svih dijelova Bosne i Hercegovine), koji ujedno služe i kao mentori i podrška tijekom organizacije podržanih aktivnosti.

Osnovni kriteriji programa

Odgovorna osoba (koordinator/ica) projekta ima između 14 i 28 godina;

Budžet projektnog prijedloga ne može iznositi više od 4000 KM;

Sve aktivnosti u sklopu projekta realiziraju se na volonterskoj osnovi;

Prednost imaju projektne ideje koje se realiziraju u manjoj gradskoj ili ruralnoj sredini;

Budžet projektnog prijedloga ne može sadržavati kupovinu računara, projektora, sportske opreme, niti bilo koje druge opreme koja ostaje u trajnom vlasništvu;

Tema projektnog prijedlog ne može biti: obnova/renoviranje srednjih škola/omladinskih centara, pokretanje vlastitog biznisa, održavanje kurseva...;

Cilj projekta jasno je objašnjen, te su projektne aktivnosti usklađene s budžetom projekta;

Projekt doprinosi popularizaciji i razvoju omladinskog angažmana i aktivizma mladih u BiH kroz inovativan i kreativan pristup;

Projekt, doprinosi poboljšanju položaja društveno osjetljivih kategorija mladih u BiH;

Projektni prijedlog je dostavljen u prijavnoj formi Fonda omladinskog angažmana;

Omladinski
ANGAŽMAN

Popunjenu prijavnicu pošaljite na mail angazman@shl.ba, međutim, prije same pripreme projekta preporuka je da pročitate najčešća postavljena pitanja (FAQ), a dodatno se možete informirati i postaviti pitanja putem SKYPE konzultacija. Na naš kontakt shl.angazman pošaljite zahtjev za termin koji vam odgovara, jer konzultacije održavamo pojedinačno.

FAQ – Fond omladinskog angažman

1. Ko se može prijaviti za sredstva iz programa?

Za sredstva se mogu prijaviti nevladine/omladinske organizacije, neformalne grupe, pojedinci čiji projekti za ciljnu skupinu imaju mlade u dobnoj granici od 14 do 28 godina. Prednost imaju oni koji dolaze iz manjih gradskih i ruralnih sredina, te oni mladi koji prvi put prijavljuju projektni prijedlog, odnosno imaju odličnu ideju/projekt koje je važan za razvoj lokalne zajednice, škole, mladih u toj zajednici.

2. Kojim vrstama projekata se podržavaju kroz program?

Fond omladinskog angažmana u svojoj osnovi podržava angažman i aktivizam mladih iz BiH kroz projekte koji se bave različitim problemima mladih.

3. Na koji način se može prijaviti?

Prijaviti se možete putem preuzimanja prijavnog formulara na web stranici www.shl.ba ili putem printanog projektnog formulara kojeg možete poslati poštom.

4. Do kada se može prijaviti projektni prijedlog?

Program Omladinski angažman je otvoren tokom cijele godine tako da ne postoji rok za dostavu projekata. SHL komisija sastavljena od 12 multiplikatora (studenata i srednjoškolaca iz svih dijelova BiH) se sastaje kvartalno kada se donose odluke o projektima koji će biti podržani (mart, juni, septembar, decembar).

5. Da li je moguće aplicirati za sredstva više puta u toku trajanja Programa?

DA

6. Da li projekt mora imati vremenski okvir implementacije istog?

Svi projekti moraju biti završeni do kraj godine, s izuzetima za projekte koji su podržani u zadnjem kvartalu (decembar).

Omladinski
ANGAŽMAN

www.shl.ba

7. Do kada je potrebno dostaviti projektnu dokumentaciju?

Termin dostavljanja projektne dokumentacije se pojedinačno i naknadno definiše ugovorom kojeg potpisuju svi nosioci podržanih projekata.

8. Koji su najčešći nedostaci u projektnom formularu?

Budžet projektnog prijedloga sadrži honorare, naknade ili nagrade;

Budžet projektnog prijedloga se sastoji od kupovine sportske ili druge opreme koja ostaje u trajnom vlasništvu (računari, nogometne lopte, opremanje ureda/prostora...);

Nedovoljan broj mladih uključeno u projekt;

Tema projektnog prijedloga je obnova škole ili omladinskih centara što nije prioritetna tema;

Ciljna skupina projektnog prijedloga su djeca od 7 do 12 godina, što nije prioritetna skupina Programa;

9. Kako se projektne aplikacije boduju?

Odgovorna osoba (koordinator/ica) projekta je u starosnoj dobi od 14-28 godina;

Od realizacije projekta korist ima više osoba (mladi, lokalna zajednica, BH društvo);

Projektni prijedlog promovira multikulturalnost;

Doprinosi poboljšanju položaja društveno osjetljivih kategorija mladih u BiH;

Tema projekta je iz oblasti angažmana mladih i bavi se rješavanjem problema mladih kroz kreativan i inovativan pristup;

Projekat doprinosi popularizaciji aktivizma mladih i razvoju angažmana u lokalnoj zajednici;

9. Šta su obaveze koje proizlaze iz dodjele nepovratnih sredstava?

Nosioci ugovora su dužni dostaviti narativni te finansijski izvještaj o samom projektu te račune ili kopije računa za utrošena sredstva o čemu će biti informisani prilikom potpisivanja ugovora.

11. Da li se mogu konzultirati sa Fondacijom SHL prilikom kreiranja projektnog prijedloga?

Fondacija SHL je omogućila da svi zainteresirani mogu sudjelovati u SKYPE konzultacijama, te se tako informisati i postaviti pitanja o programu Omladinski angažman. Skype konzultacije se obavljaju pojedinačno. Dovoljno je da dodate na Skype račun shl.angazman i pošaljete zahtjev za termin koji vam odgovara za konzultacije.

Omladinski
ANGAŽMAN

www.shl.ba